

De Sueuia.



SU E U I A portio totius Germaniæ Sueuia est, duobus clarissimis fluminibus, Rheno, & Danubio irrigata. Quorum alter modico fluxu in occidentem Oceano miscetur. Hic è diuerso in orientem per innumeras gentes uolutatus, pōtum influit. Terra partim plana, partim mōtosa. Ager fertilis, cuius nulla pars inculta iacet, præter quàm aut lacus, aut montes, uel syluæ occupāt. Nemora in ea multa, & ob id gēti uenatio frequens, aucupium peculiare, frumentorum abundantia, pecorum magna uis. Cōualles plurimæ, perennis riuis, clarissimi undiq; amnes procurrunt, qui se uniuerſi in Rhenum & Danubium exonerant. Tota insuper prouincia salubritate gaudens, celebratissimis urbibus, uicis, & castellis refertis. Arces excelsæ, natura & arte munitæ. Et (quod ad Christianam religionem pertinet) pulcherrimis atq; ditissimis templis, collegiis, monasteriis uariorum ordinum, sexus utriusq; Basilicis, parrochialibusq; ecclesiis est exornata. Circa montes ferrum, argētum, & metalla procreat. Gens populosa, fortis, audax, & bellicosa, procera corpore, flauo crine, uenusta facie, & decora. Ingenio singulari prædita, præstantissima Germanorum à Plutarcho dicta.

De Bauaris.



BA U A R I A Germaniæ prouincia, ab Auaribus Hunnorum reliquijs, qui Noricis expulsis, in ea terra consedere, adiecta B litera, appellata. Boioaria etiā à Boijs Cisalpinæ Galliæ populis, in his locis aliquando moratis dicitur. Noricum olim fuit. Hungariam ab oriente habet, ab occidēte Sueuiam, à meridie Italiā, à septentrione Franciam atq; Boēmiam. Danubio insigni fluuio ex Sueuia profluente irrigatur. Austriā, Styriā, & Carinthiā in se cōprehendit, quod n̄dem fere homines, n̄sdem moribus atq; lingua utantur. Noricis præterea finibus quōdam contentierant. Beatus Lucius Britanniæ rex primū, deinde Rupertus, ultimo Bonifacius Moguntius Archiepiscopus Christianam pietatem edocuit. In quatuor episcopatus Bauaria diuiditur: Saltzburgen. Patauien. Phrisingen. & Ratisponen. Nulla Germaniæ prouincia pluribus, cultioribusue urbibus illustratur. Gētis mores, uiuendiq; instituta ex legibus, quas orthodoxa fide recens suscepta habuere, cognosci possunt. Victus eorum caules & porcorum carnes, quorum capitibus specialiter oblectantur in conuiuijs.